

ՀԱՇՎԵՏՎՈՒԹՅՈՒՆ

2017 թ. հոկտեմբերի 30-ից նոյեմբերի 3-ը Ավստրալիայի Միություն
Մելբուրն գործուղման

1. ԳՈՐԾՈՂՎԱԾ ԱՆՁ

Աշոտ Մանուկյան

2. ԶԲԱՂԵՑՐԱԾ ՊԱՇՏՈՆԸ

ՀՀ էներգետիկ ենթակառուցվածքների և բնական պաշարների նախարար

3. ԳՈՐԾՈՂՄԱՆ ՎԱՅՐԸ / ԺԱՄԿԵՏԸ

Ավստրալիայի Միություն (Մելբուրն)/ հոկտեմբերի 30-ից նոյեմբերի 3-ը

4. ՀՐԱՎԻՐՈՂ ԿՈՂՄԸ

Ավստրալիայի Վիկտորիա նահանգի զբաղվածության, արդյունաբերության և
ռեսուրսների նախարար Ուեյդ Նունան

5. ԳՈՐԾՈՂՄԱՆ ՆՊԱՏԱԿԸ

Մասնակցություն հանքարդյունաբերության և բնական պաշարների հարցերին
նվիրված միջազգային համաժողովին (IMARC)

6. ՔՆՆԱՐԿՎԱԾ ԹԵՄԱՆԵՐԸ

Համաժողովին ներկայացվել են աշխարհի տարբեր երկրներում հանքարդյունաբերու-
թյան ոլորտի նվաճումները, ոլորտի կարգավորման և վերահսկողության ժամանակակից
մոտեցումները, հանքարդյունաբերության օպտիմալացման և էներգախնայող տեխնոլոգիա-
ների ներդրման հնարավորությունները, շրջակա միջավայրի վրա ազդեցության նվազեցման
նորագույն լուծումները:

Ներկայացրել եմ Հայաստանում գործող ընդերքի օրենսդրությունը, մեր երկրի
ներդրումային միջավայրը, ընդերքօգտագործման ոլորտում լիցենզիաների ու երևակման
թույլտվությունների տրամադրման կարգն ու պայմանները, ինչպես նաև ընդերքօգտա-
գործման ոլորտում մեր երկրում իրականացված նորամուծությունները, մասնավորապես,
ընդերքի շահագործման լիցենզիաների տրամադրման պայման հանդիսացող հանքի
ապագործարկման նախագծի և համապատասխան ֆինանսական երաշխիքների ներդրման
անհրաժեշտությունը:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Ավստրալիայի բնական պաշարների պետական նախարար և գանձապետ Թիմ
Պալլասի հետ հանդիպմանը քննարկվել են Հայաստանի ընդերքի օրենսդրության
զարգացման և հանքարդյունաբերության ոլորտում հնարավոր համագործակցության
ուղղությունները: Անդրադարձ է կատարվել ոլորտի կարգավորման ստանդարտների,
երկրաբանական երևակումների և ընդերքի շահագործման գործնական խնդիրներին
«պատասխանատու ընդերքօգտագործման» հիմնարար սկզբունքների համատեքստում:

Քննարկվել են նաև Արդյունահանող ճյուղերի թափանցիկության նախաձեռնությանը Հայաստանի անդամակցության գործընթացի և Հայաստանի երկրաբանական ֆոնդի արխիվի թվայնացման ու տեղեկությունների հասանելիությանն ուղղված Հայաստանի կառավարության ջանքերը:

Հանքային պաշարների միավորված կոմիտեի (JORC) նախագահ Սթիվ Հանթի հետ քննարկվել են ընդերքի օրենսդրության զարգացման ոլորտի կարգավորման կատարելագործման ուղղությունները:

Հանքարդյունաբերության միջազգային ստանդարտների կազմակերպության գլխավոր գործադիր տնօրեն Ռոբերտ Միլբուրնի հետ հանդիպման ընթացքում կարևորվել են մարդու առողջության և շրջակա միջավայրի վրա հանքարդյունաբերության բացասական ազդեցության չեզոքացման խնդիրները:

Համաժողովի շրջանակներում հանդիպումներ եմ ունեցել նաև Իրանի Իսլամական Հանրապետության արդյունաբերության, հանքերի և առևտրի փոխնախարար Մեհդի Կարբասիանի, GFG Alliance միջազգային կորպորացիայի գործադիր նախագահ Սանջեն Գուպտայի հետ:

Հանքարդյունաբերության և բնական պաշարների տարեկան միջազգային համաժողովին մասնակցել են շուրջ 150 հանքարդյունաբերող ընկերություններ և 3000-ից ավել պատվիրակներ աշխարհի 77 երկրներից:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Համաժողովի ընթացքում փաստաթղթեր չեն ստորագրվել:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Շարունակել աշխատանքներն ընդերքօգտագործման բնագավառում միջազգային լավագույն փորձի և օրենսդրության ներդրման ուղղությամբ:

**ՀՀ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ
ԲՆԱԿԱՆ ՊԱՇԱՐՆԵՐԻ ՆԱԽԱՐԱՐ**

ԱՇՈՏ ՄԱՆՈՒԿՅԱՆ